



KEMENTERIAN PERPADUAN NEGARA
ARKIB NEGARA MALAYSIA

SIARAN MEDIA

BICARA SEJARAH: IBAN TRACKERS

KUCHING: 22 Mei 2023 – Arkib Negara Malaysia telah mengadakan program Bicara Sejarah yang membincangkan topik Iban Trackers bersama Leftenan Kolonel (B) Mohd Melintang bin Abdullah dan Profesor Dr. Neilson Ilan Mersat, Dekan Fakulti Sains Sosial dan Kemanusiaan, UNIMAS di Kuching Waterfront pagi ini.

Program selama tiga jam tersebut adalah salah satu pengisian program Minggu Perpaduan Negara Peringkat Kebangsaan Tahun 2023 oleh Arkib Negara Malaysia selain program Bicara Perpaduan: Bermukun yang akan diadakan pada 23 Mei 2023 di lokasi sama.

Arkib Negara Malaysia ingin terus menyebarkan maklumat sejarah negara termasuk kisah serta pengalaman sebenar yang dilalui Iban Trackers bagi memberi gambaran yang lebih jelas terhadap masyarakat negara ini untuk semua pihak dapat menghargai budaya, sejarah dan warisan negara.

Program ini juga diadakan bertujuan untuk mendokumentasikan serta memelihara data dan maklumat sejarah negara bagi mengisi jurang sumber bertulis yang terdapat dalam simpanan Arkib Negara Malaysia.

Selain itu, bahan dokumentasi yang dikumpulkan ini dapat digunakan sebagai rujukan dan penyelidikan generasi kini dan akan datang.

Arkib Negara Malaysia

Tarikh : 22 Mei 2023
Emel : pro@arkib.gov.my
Rujukan : ARKIB.100-9/1/1(73)